



**EVOLUSI
DEKAD**
DEKAD LAYANAN BAKA SA UTM
1956-2026



**UNIVERSITI
TEKNOLOGI
MARA**

Pusat
Residensi dan
Hospitaliti Pelajar

eISSN 2838-0002



9 772838 000002

EDISI 1/2026

INSPIRA

Info-Siswa-Aspirasi-Residensi

PRHP

e-Buletin

Pusat Residensi & Hospitaliti Pelajar



**Dapur Siswa
MADANI UiTM**



**Food Bank
Siswa UiTM**



**Menu Kasih
Siswa UiTM**



**MALAYSIA
MADANI**

UiTM *di hastika*

إرشاد الطلاب

prhputimsa@uitm.edu.my



@prhputimsa

DAPUR SISWA MADANI UiTM

PELAKSANAAN DAPUR SISWA MADANI UiTM MEMACU KESEJAHTERAAN MAHASISWA

Oleh: Sidang Redaksi INSPIRA PRHP

SHAH ALAM – Memastikan tiada mahasiswa yang terpinggir atau kelaparan semasa menuntut ilmu terus menjadi agenda teras Pusat Residensi & Hospitaliti Pelajar (PRHP), Jabatan Hal Ehwal Pelajar (HEP) UiTM. Menerusi pelaksanaan Dapur Siswa MADANI UiTM, Universiti telah berjaya mentransformasikan konsep bantuan kebajikan daripada sekadar agihan berskala kecil kepada satu ekosistem sokongan pemakanan yang sistematik, praktikal, dan berimpak tinggi di seluruh sistem UiTM.

Konsep Pelaksanaan: Kemudahan Memasak & *Retort Food* Mesra Pelajar

Berbeza daripada kaedah bantuan biasa, Dapur Siswa MADANI UiTM menyediakan kemudahan berkonsepkan sendiri (*self-service*) yang lengkap. Pihak HEP telah menyediakan ruang khas, peralatan kelengkapan memasak yang lengkap, serta bahan masakan asas. Menerusi kemudahan ini, pelajar diberi ruang untuk menggunakan fasiliti yang disediakan dan memasak sendiri hidangan mereka secara santai dan bersih.

Bagi memudahkan lagi pelajar yang kesuntukan masa terutamanya ketika musim peperiksaan dan jadual kuliah yang padat program ini turut menyediakan makanan sedia dimakan bertaraf *Retort Food*. Penyediaan makanan *retort* ini amat mesra pengguna dan praktikal, di mana pelajar hanya perlu memasak nasi menggunakan periuk nasi dan beras yang disediakan, seterusnya melengkapkan hidangan bersama lauk *retort* yang sedia dipanaskan.

Sokongan Peruntukan KPT & Kelestarian Dana

Kejayaan peluncuran dan kelangsungan Dapur Siswa MADANI di seluruh UiTM ini didorong kuat oleh peruntukan kewangan khusus yang disalurkan oleh Kementerian Pendidikan Tinggi (KPT). Inisiatif dan keprihatinan pihak KPT ini menjadi pemangkin utama yang membolehkan prasarana Dapur Siswa MADANI, pembelian peralatan dapur, bahan mentah, serta stok *retort food* dapat disediakan secara mampan dan berskala besar.

Selain peruntukan rasmi KPT dan Universiti, program ini turut diperkasakan menerusi sokongan tambahan daripada penyumbang korporat, NGO, serta inisiatif infak berterusan warga akademik dan pentadbiran UiTM menerusi Tabung Kebajikan HEP.

Operasi & Liputan di Seluruh Sistem UiTM

Bagi memastikan liputan yang saksama dan tidak hanya bertumpu di kampus induk, PRHP dengan kerjasama Unit Hal Ehwal Pelajar (HEP) Kampus Cawangan telah menyelaraskan pelaksanaan Dapur Siswa MADANI di seluruh kampus cawangan UiTM. UiTM Shah Alam sebagai kampus yang menjadi pusat rujukan utama operasi dengan penyediaan fasiliti Dapur Siswa MADANI dan hab agihan di kolej-kolej kediaman utama. Kemudahan ruang memasak dan bekalan bahan mentah diselia rapi oleh Unit Residensi & Hospitaliti Pelajar, Jawatankuasa Perwakilan Kolej (JPK). Manakala penyediaan peralatan serta *retort food* disesuaikan mengikut keperluan kolej kediaman setempat, memastikan mahasiswa di kampus Borneo turut menikmati kemudahan yang saksama.

Mekanisme Agihan & Penglibatan Kepimpinan Pelajar

Kecekapan pengurusan Dapur Siswa MADANI dipacu oleh sinergi padu antara PRHP, Majlis Pengetua Kolej Kediaman, Majlis Perwakilan Pelajar (MPP), dan JPK. Pelajar yang layak dikenalpasti menerusi pangkalan data kebajikan dan profil sosioekonomi. Bagi menjamin ketelusan dan kelancaran penggunaan ruang serta agihan bahan makanan, kaedah pengurusan berasaskan pangkalan data dan imbasan digital digunakan secara teratur.

Pelaksanaan Dapur Siswa MADANI UiTM ini membuktikan komitmen universiti dan KPT dalam menjaga kebajikan mahasiswa secara holistik. Dengan adanya kemudahan memasak yang lengkap dan pilihan *retort food* yang praktikal, warga kampus kini dapat menikmati hidangan berkhasiat dengan mudah, sekaligus memberi fokus sepenuhnya kepada kecemerlangan akademik.



اَوْبُوْكَرْ سَيِّدِيْ تَيْكُوْ لَوِيْڤِيْ مَارَا
UNIVERSITI
TEKNOLOGI
MARA

Jabatan
Hal Ehwal Pelajar



اوسها تقوى مولى

Universiti Unggul Pemacu
Bumiputera Profesional

